

٢٣- (نَسُوا اللَّهَ فَنَسَاهُمْ أَنْفُسَهُمْ ) يعني إيه أنساهم أنفسهم ...

إزاي تنسى نفسك ؟!

الأول لازم تتعرف هي مين نفسك دي إللي ممكن تتساها؟

خلينا نتفق ونقول إنك مجموعة من الأنفس بتتحرك في  
خط، أوله تقوى وآخره فجور ..

(وَنَفْسٍ وَمَا سَوَّاهَا . فَأَلْهَمَهَا فُجُورَهَا وَتَقْوَاهَا )

أحياناً تغلب التقوى وأحياناً تغلب الفجور ..جواك خير  
وجواك شر ..

مين إللي بيتحكم في نفسك ومين إللي بيختار ؟

ممكن نقول إنها ٣ حاجات ..عقلك و قلبك و روحك ..

عقلك: بأفكاره إللي ناتجه من عوامل كتير

قلبك: سليم أو قلب مريض

روحك : فطرتك ونقائك ومدى قدرتها على السيطرة على

قلبك وعقلك

الخلطه دي بتختار لك نفسك إللي عايش بيها!

فلو كانت الخلطه دي مركزيتها الله فهي بتكون نفس

حقيقيه ..

لو مركزيتها أي شيءٍ تاني غير الله فبتكون نفس مزيفه!  
مش دي حقيقتك إللي أتوجدت عشانها مش دي فطرتك إللي  
اتخلقت بيها ..

والموجع بتفضل عايش بالنفس المزيفه دي ولا إنت مدرك  
مدى زيفها وإن في نفس حقيقه جواك إنت نسيته!  
(نَسُوا اللَّهَ فَنَسَاهُمْ أَنفُسَهُمْ) نسيت ربنا .. نسيت تخليه  
مركزيتك ،فأنساك الله نفسك الحقيقه ..  
هتقول(ربنا إللي نسانى أنا مالي) ؟

لأ ..

أنت نسيت ربنا الأول ..

(وَأَنَّ لَيْسَ لِلْإِنْسَانِ إِلَّا مَا سَعَى)

سعيت لنسيان ربك الأول،فده كان سعيك وده طريقك إللي  
إخترته ..

ده قانون ..هتسى ربك هتسى نفسك الحقيقه !

ذاتك الحقيقه مركزيتها الله فقط لا غير ..

دي القاعده وبعدها إنطلق ..واستمتع بنفسك لما تتعرف  
عليها ..

هتتفاجئ بالذفس دي !

ذفس حره أوي ،مش عابده لحد ..

ذفس محبه أوي ..

ذفس راضيه بكل شيء ..

إزاي أعرف مركزيتي الله ولا لأ ؟

لازم تركّز في كل فكره جواك كل شعور وكل فعل ..

بعمله ليه؟ وراه مين ؟ نيتي إيه ؟

عايز أوصل لإيه ؟ هدي في مين ؟ وهدي في إيه ؟

مين إلهي ؟ أكثر حاجة شغلاني ؟ مطمئن ولا لأ؟ مذلول لمين؟

تحت رحمة إيه ؟ خايف ليه ؟ عايش لمين ؟ موكل مين ؟ بدعي

مين ؟ مش سعيد ليه ؟ محتاج لمين ؟ بتحب مين ؟ مين مستحوذ

عليك ؟ أنا عبد لمين ؟

المواجهه مهمه .. والصراحه مهمه ..

جرب وهتفوق وهتتطلق وهتكتشف حقيقي إن الحريه نعمه

والسر .. متساش ربك فهتتعرف على نفسك الحقيقيه ..

ومن عَرَفَ نفسه عَرَفَ ربه ..

